

Umhverfis-, orku- og loftslagsráðuneytið

b.t. Skrifstofa umhverfis- og skipulags

Skuggasund 1

101 Reykjavík

urn@urn.is

Efni: Umsögn vegna breytinga á reglugerð um öryggi leikvallataekja og leiksvæða og eftirlit með þeim.

Erindi þetta er sent vegna fyrirhugaðra breytinga á reglugerð um öryggi leiksvæða og eftirlit með þeim.

Markmið reglugerðarinnar virðist vera að skerpa á framkvæmd og skilgreina betur ábyrgð og verksvið aðila og tengja við nýja staðla og kröfur um hæfni framkvæmdaaðila eftirlits.

BSI á Íslandi ehf. er faggilt skoðunarstofa sem hefur m.a. faggildingu fyrir aðalskoðun á leiksvæðum sem nær aftur til ársins 2005. Á tímabilinu hefur mikil þekking og reynsla orðið til á annmörkum eftirlits sem flokkað er í reglugerðinni sem „innra eftirlit“.

Fyrirtækið hefur starfað frá árinu 2004 og hjá okkur starfa í dag 18 starfsmenn sem hafa það m.a. að starfi að framkvæma eftirlit sem í mörgum tilfellum var áður í höndum ríkisins eða hjá fulltrúum heilbrigðiseftirlits.

Mjög yrði til hagsbóta ef stjórnvöld tryggðu opinbera skráningu á leiksvæðum og ábyrgðaraðilum þeirra þannig að tryggt yrði að yfirsýn yfir leiksvæði í notkun væri aðgengileg og féllu undir ákvæði reglugerðarinnar. Með því móti væri jafnframt hægt að sjá á einum stað hvaða svæði eru í rekstri og hægt að óska eftir því að svæði í vanrækslu séu af skráð og tekin niður þannig að ekki skapist hætta af ónýtum leiktækjum. Ef beita ætti vanrækslugjaldi væri þarna jafnframt orðin góð yfirsýn til að útfæra slíka heimild með td. skráningum á árlegum aðalskoðunum svæðanna.

Bein þátttaka heilbrigðiseftirlits í innra eftirliti leiksvæða

Á síðastliðnum árum hafa verið brögð að því að einstök heilbrigðiseftirlitsumdæmi hafi framkvæmd „ígildi rekstrarskoðana“ og hafi litið fram hjá kröfum um árlegar aðalskoðanir faggilds aðila þrátt fyrir reglugerð hafi fyrst og fremst ætlað heilbrigðiseftirliti að tryggja að innra eftirlit færi fram í samræmi við kröfur.

Ný skilgreining á aðalskoðun í drögum að reglugerðinni

Innra eftirlit leikvallataekja er skilgreint í staðlinum. ÍST EN 1176-7: Leikvallataeki og yfirborð 7. hluti: Leiðbeiningar um uppsetningu, eftirlit, viðhald og rekstur.

Þar er skilgreining á aðalskoðun eftirfarandi:

d) Annual main inspection; inspection intended to establish the overall level of safety of equipment, foundations and playing surfaces.

Tíðni aðalskoðunar er ákveðin í samræmi við tæknilegt mat fagmanna og skal fara fram árlega. Athygli vekur að í drögnum er ekki lengur talað um „árlega aðalskoðun“ heldur nú einungis „aðalskoðun“ sem hefur þó ekki skírskotun nema sem árleg aðalskoðun í staðlinum. Þetta er sér í lagi áhugavert þar sem annar staðar í reglugerðinni er rætt um að innra eftirlit skuli vera í samræmi við kröfur staðalsins.

Samkvæmt drögunum er tillaga um að fela heilbrigðisnefndum vald til að bregða frá tækniröfu um árlega aðalskoðun leiksvæða og þess í stað leggja tæknilegt mat á tíðni „árlegra aðalskoðanna“. Vert er að benda á það í staðlinum þá er gert ráð fyrir að aðrir þættir innra eftirlits daglegt og reglubundið geti markast af mati eiganda en þetta á þó ekki við um „árlega aðalskoðun samkvæmt staðlinum“.

BSI gerir alvarlega athugasemd við að víkja eigi frá tíðni úttekta faggilda aðila sem er að öllu leiti óháður bæði eiganda, rekstraraðila og uppsetningaraðila.



Árni H. Kristinsson

Framkvæmdastjóri BSI á Íslandi ehf.